

بغير من عيني وانا شايفك  
وده اللي وصلت ليه  
لو أسمع اسمي بشفايفك  
بقولك كرّيه  
وعمري ما هقدر أوصفك  
بحبك قد ايه

إرسمني في ليلك نجمة  
ضيتها يلمع في العين  
إكتبني في عمرك كلمة  
يحكوها الناس بعدين  
أنا نفسي أعيش فوق عمري  
يا حبيبي معاك عمريين

لو تطلبي مني عينيا  
لو تطلبي عمري كمان  
هديكي سنيني الجاية  
وهكون راضي وفرحان  
انتي اللي وجودك جنبي  
حسّسني إن أنا إنسان

ده من أول دقيقة  
لحبك قلبي مال  
عرفت بميت طريقة  
تغير حال بحال  
بتوه بين الحقيقة  
يا عمري والخيال

ده من أول دقيقة  
لحبك قلبي مال

عرفت بميت طريقة  
تغير حال بحال  
بتوه بين الحقيقة  
يا عمري والخيال

أنا عايزاك تفضل جنبي  
سندي وفارس أحلامي  
قلبي في قربك متطمئن  
خليك دائما قدامي  
أنا قبل ما بنطق كلمة  
بتكمل ليا كلامي

ده وجودك بيكملني  
خليتي حياتي حياة  
إحساسي بحبك خدني  
وانا هفضل ماشي وراه  
حضنك يا حبيبي لا يمكن  
لو ثانية أعيش براه

فيه واحدة تملّي في ظهرك  
وفضعفك هتقويك  
تؤمرها حبيبي وأمرك  
هتقول شبيك لبيك  
جنبك ولآخر عمرك  
هتعيش علشان ترضيك

ده من أول دقيقة  
لحبك قلبي مال  
عرفت بميت طريقة  
تغير حال بحال

بتوه بين الحقيقة  
يا عمري والخيال

ده من أول دقيقة  
لحبك قلبي مال  
عرفت بميت طريقة  
تغير حال بحال  
بتوه بين الحقيقة

يا عمري والخيال